

IZVOD IZ TRANSKRIPTA SA 55. SJEDNICE SKUPŠTINE KANTONA ODRŽANE 31.03.2014. GODINE U KOJEM JE SADRŽANA RASPRAVA PO 1. TAČCI DNEVNOG REDA (NACRT ZAKONA O DOPUNAMA ZAKONA O OSNOVNOJ ŠKOLI)

PREDSJEDAVAJUĆI

Riječ ima poslanik Ibrahim Plančić, u ime Komisije za obrazovanje, pretpostavljam, izvolite.

IBRAHIM PLANČIĆ

Zahvaljujem gospodine Radišiću. Evo na samom početku koristim priliku da vas još jednom sve ... da vas prvi puta selamim, dakle, pozdravim, uvažene zastupnike, članove Vlade, goste, medije i sve ostale. S obzirom da je ovo moje prvo javljanje, ja ću na samom početku da iskoristim priliku da u svoje lično ime i ispred Kluba zastupnika SDA u Skupštini Zeničko-dobojskog kantona čestitam gospođi Dijani Rahić na dodjeljenom mandatu, na danas položenoj svečanoj zakletvi. Vjerujem da ćete Vi ovo što nam je ostalo mandata odraditi onako kako treba i da ćete sarađivati i sa svim zastupnicima i sa nama u Klubu Stranke demokratske akcije, naravno, na do sada uspostavljenim demokratskim pred ... principima, dakle, i u to ime evo ja Vam danas čestitam i želim Vam sve najbolje, kako u privatnom životu tako i u ovom društvenom angažmanu. A sada ću kao predsjednik Komisije za obrazovanje, nauku, kulturu i sport u Skupštini Zeničko-dobojskog kantona da iznesem stav Komisije u vezi sa razmatranjem, a ako se slažete, gospodine Radišiću, ja ću ... s obzirom da je gotovo identičan stav i po prvoj i po drugoj tački dnevnog reda, dakle, isto kao i uvaženi ministar što je rekao, dakle, iznijeti ovaj stav, a ako bude potrebe kad budemo razmatrali drugu tačku dnevnog reda, onda mogu dodatno nešto pojasniti ispred Komisije, ako bude, dakle, potrebe.

PREDSJEDAVAJUĆI

Izvinjavam se, tretiram kao dvije tačke.

IBRAHIM PLANČIĆ

Dobro. Zahvaljujem. Onda ću iznijeti samo stav vezano za prvu tačku dnevnog reda, odnosno Nacrt Zakona o dopuni ... o dopunama Zakona o osnovnoj školi. Mi smo ovu tačku dnevnog reda, odnosno, ovaj Nacrt Zakona razmatrali na 22. sjednici Komisije za obrazovanje koja je održana 24.03.2014. godine i nakon završenog razmatranja Nacrta Zakona o dopunama Zakona o osnovnoj školi, Komisija je sa 3 glasa „za“ i sa jednim glasom „uzdržanim“, dakle, od ukupno prisutna 4 glasa, podržala navedeni Nacrt Zakona, te predložila Skupštini Kantona da isti prihvati i uputi u Javnu raspravu u trajanju od 20 dana na način da Nacrt Zakona bude dostupan svim zainteresiranim subjektima, te da se pozovu svi zainteresirani subjekti da dostave obrađivaču Zakona, Ministarstvu za obrazovanje, nauku, kulturu i sport, primjedbe i sugestije na navedeni Nacrt Zakona. Dužan sam da pored ovog oficijelnog, da kažem, zaključka, Skupštini ukažem da je bilo više različitih mišljenja vezano za ovaj Nacrt. Međutim, s obzirom da se radi o Nacrtu Zakona ... s obzirom da će biti prilike da svi daju primjedbe na ovaj Nacrt, dakle, Komisija je donijela ovakvu odluku s tim da je jedan član Komisije pristao da glasa za ovakvo rješenje uz obećanje obrađivača Zakona da će primjedbe i prijedlozi Sindikata obrazovanja u kojem je on, dakle, predsjednik Sindikata i član Komisije za obrazovanje, gospodin Šatorović, dakle, da ... da će prilikom analize Nacrta Zakona i provedene, evo, ovak ... ovakvog vida Javne rasprave biti na ... dakle, još jednom sagledane njihove primjedbe i pokušat će se ugraditi u konačan Prijedlog Zakona. Zahvaljujem.

PREDSJEDAVAJUĆI

Hvala poslaniku gospodinu Plančiću na iznesenom stavu ispred Komisije. Ima li još predstavnika komisije koji bi željeli da i koji su razmatrali ovo pitanje? Nema. Otvaram raspravu po ovoj tački dnevnog reda. Ko želi učestvovati u raspravi? Riječ ima ... izvolite jedan od podnosilaca Inicijative, poslanik Adnan Jupić, predsjednik Kluba SBB-a. Izvolite.

ADNAN JUPIĆ

Hvala predsjedavajući. Evo i ja prvi put izlazim za govornicu, pa ću iskoristiti priliku da pozdravim sve koji učestvuju u radu današnje sjednice, naše gledaoce, građane Zeničko-dobojskog kantona koji nas budu pratili putem medija, zaželiti svima ugodan rad, čestitat' u ime Kluba zastupnika Saveza za bolju budućnost kolegici Dijani, zaželit' joj sretan i uspješan rad u preostalom mandatu i u ime Kluba i u svoje lično ime još jednom iskazat' žal za gubitkom gospodina Mirzeta Kopača kog sam imao čast i sreću i lično poznavat' i upoznao sam ga kao jednog časnog i korektnog čovjeka. Želim strpljenja i sabura njegovoj porodici, da savlada ... savlada ovaj gubitak. Radi se o Nacrtu, ja neću ... neću, ovaj, neću dužiti puno. Nacrt je otprilike nešto blaža verzija onoga s čime se išlo u onoj nekoj našoj početnoj inicijativi i meni je drago, mada sam prateći materijale na par mjesta vidio sugestije da se možda o ovom razgovara i u formi prijedloga, ali ja sam kao i u ranijem ... ranijim svojim izlaganjima uvijek bio gdje se prostor otvarao da se ide ka nacrtu, javnoj raspravi, jednoj normalnoj, redovnoj proceduri. Malo je interesantno, ali to ćemo pustiti dalje kroz javnu raspravu, mehanizme koje smo spominjali vezano za kontrolu ovoga šta mi hoćemo postići, a to je depolitizacija i dodatna demokratizacija. Drago mi je da je to tako prepoznato i od Ministarstva i od resornog ministra. Znači, Komisija koja je trebala ovo kontrolisati, nećemo napraviti ništa, ako se ne bude znalo u budućem periodu ko će to kontrolisati i vidim da je jedan malo ... malo žešći, odnosno, jedna malo mekša verzija koja ipak određeni politički angažman dopušta u nešto maljoj ... ma ... manjo ... nešto malo manjoj mjeri direktorima i pomoćnicima direktora, ali sačekat ćemo, znači, nešto slično na fonu onoga što je i Sindikat rekao, dovršetak javne rasprave oko konačnoga ... oko konačnoga stava i izjašnjenja. Namjera moja i kolege Begića, koji smo na nekoj ... na neki način ovo i pokrenuli, u samom startu je upravo bila ovo i vidim da je prepoznato i od strane ... od strane ministra. Znači, da se malo smanji ... ide ka određenom smanjenju političkog uticaja. Ja znam da je ovo samo prvi, jedan mali, korak. Imamo mi mnogo još stvari ovdje rješavat'. Možda ovo sad izgleda i kao kršenje određenih prava pojedinaca koji su tretirani ovom zakonskom normom. Međutim u nastavku bi to svakako bilo i počelo se odnositi i na realni sektor, na upravne odbore. Znači da sam ja istu inicijativu ... najviše kritika smo dobili ovdje zašto smo se ograničili na školstvo, da sam ja sa sličnom inicijativom išao u Domu naroda Federalnog Parlamenta prema zdravstvu. Mislim da će inicijativa biti prihvaćena dobro, da će biti podržana i da će to biti jedan mali korak koji ćemo svi u budućnosti učiniti još većim u smislu tretiranja ove problematizacije ... politike za start bar iz javnih ustanova. Hvala.

PREDSJEDAVAJUĆI

Hvala. Za riječ se javio poslanik Senaid Begić, predsjednik Kluba SDP-a. Takođe, jedan od podnosilaca Inicijative, pa zastupnica Indira Mundžić.

SENAID BEGIĆ

Zahvaljujem predsjedavajući. Jednostavno da ne prođe bez neke vrste rasprave od strane nas barem kao inicijatora za donošenje ove Inicijative, evo nekoliko samo opservacija na sam tok Inicijative. Kao što je predsjedavajući već rekao od 23. jula zastupnik Jupić i ja smo pokrenuli ovu Inicijativu iskreno sa namjerom da kroz ovu Inicijativu učinimo maksimum napora da kada je u pitanju depolitizacija školstva napravimo ... napravimo neke pomake u odnosu na vremenski period koji je iza nas. Mada je evo vidjeli ste i u ovom tekstualnom dijelu koji je od strane resornog Ministarstva dostavljeno nama kao zastupnicima već napisano da je Zeničko-dobojski kanton u odnosu na sve ostale ipak jedan kanton koji je svjetliji primjer kada je u pitanju ova oblast. To ... s te strane, to takođe cijenimo, ali mislimo da je došlo vrijeme da se načini, ovaj, korak više u ovoj oblasti. Izvorno, iskreno, srčano od strane mene i zastupnika Jupića je bilo to da ... da ona bude prihvaćena u onoj izvornoj formi kako smo mi to i bili postavili u nekoj vrsti apsolutnog depolitiziranja od strane ovih direktora i pomoćnika direktora, ali evo uz ove sugestije koje smo dobili od resornog Ministarstva obrazovanja, Ministarstva pravosuđa i uprave, dobili smo tu neku srednju varijantu koja opet ogroman korak u odnosu na ono kako je to bilo, a u ovoj predloženoj formi u jed ... pojednostavljeno rečeno, znači, politički angažman da, ali

učestvovanje u organima i tijelima političkih stranaka ne. Ovo se išlo u prilog tome da se ne naruše utvrđena načela, principi i struktura ovog okvirnog Zakona, odnosno, već je to, čini mi se, ministar rekao da se, ovaj, poštuje, odnosno, da se ne dovedemo u situaciju da se taj ... to donošenje izmjena Zakona krši sa Deklaracijom o ljudskim pravima i slobodama. Ova varijanta je po meni dobra za ... za ovu formu za koju se mi spremamo. To je forma Nacrta, ali isto tako imamo potrebu i tražimo razumjevanje da razumijemo i angažman Sindikata u ovom smislu neke vrste korektivnog faktora u smislu da li će to biti komisija ili neko tijelo, mada smo dobili objašnjenje od strane resornog Ministarstva da već ima tamo određenih vrsta, ovaj, inspekcija, nekak ... organa koji bi to mogli da kontrolišu. Mi smo u ovom dijelu spremni, znači, da ... da nađemo ne ... nekakvu vrstu korektivnog faktora u smislu da se ubuduće zna ko bi ... ko je eventualno prekršio, ovaj, taj Zakon koji bi u načelu zabranjivao imenovanim direktorima i pomoćnicima direktora, ovaj, neku vrstu političkog angažmana. Ja sam ubjeđen da će ova Inicijativa ići dalje, a nagovještaj toga je bio i u dopisu koji sam dobio od, kao predsjednik Komisije za mlade, dopisu koji sam dobio od Mreže vijeća učenika. Mreža vijeća učenika Zeničko-dobojskog kantona je jedno respektabilno tijelo koje je sastavljeno od učenika, odnosno, predsjednika razreda svih srednjih škola Zeničko-dobojskog kantona u jednom tijelu u kojem su oni naveli, dopisu, ja mislim da ovdje imamo najavljenog i gosta ispred Mreže vijeća učenika koji nam će se vjerovatno na kraju, ovaj, izlaganja od strane zastupnika obratiti u smislu da oni daju apsolutnu podršku ovoj inicijativi i da ona treba da ide dalje u pravcu depolitizacije uloge nastavnika i profesora, ovaj, u školama, ali evo ne bih ja o tome, ovaj, dalje da ... da ... da ... da pričam, elaboriram. To možda u nekoj fazi i dođe, ali evo, ne znam, možda čak i u Nacrtu, pa vjerovatno ćemo imati priliku da od strane gostiju, ovaj, čujemo i ... i te njihove prijedloge i sugestije. Na kraju, ovom prilikom želim da se zahvalim svima onima koji su podržavali ovu Inicijativu od samog njenog početka. Zahvaljujem se, takođe, sindikatima osnovnog i srednjeg obrazovanja, odnosno njihovom ... njihovim čelnicima koji su prepoznali ovo kao jedan korak ka unapređenju ove oblasti, ovih zakonsko ... ovih zakonskih okvira u smislu da su tu Inicijativu prepoznali i omogućili nam medijski prostor u promociji ove Inicijative i to ... to smo i uradili zajedno sa njima gore od strane sindikata u Sarajevu i moram reći da je i zahvaliti se javnosti koja je prepoznala ovo kao jedan dobar korak i svim onim organizacijama koje su dale podršku ovoj Inicijativi. Ja mislim da je to dobar pokazatelj i ovdje ovim najodgovornijim ljudima u Skupštini Zeničko-dobojskog kantona kada je u pitanju donošenje samo ... samih izmjena i dopuna ovog Zakona. Nadam se da će se cijeniti i, ovaj, taj glas javnosti, glas i nevladinog sektora i da će u konačnici, da ćemo u konačnici imati, ovaj, jedan zajednički stav kada je u pitanju donošenje ovo ... ovaj, izmjena i dopuna ovako ... jednog ovako bitnog Zakona. Zahvaljujem.

PREDSJEDAVALJUĆI

Hvala poslaniku Begiću. Zastupnica Indira Mundžić.

INDIRA MUNDŽIĆ

Pošto se prvi put danas javljam, pozdravljam stanovnike Zeničko-dobojskog kantona. Kolegici Dijani Rahić čestitam, evo, početak rada do kraja mandata u ovom sazivu Skupštine Zeničko-dobojskog kantona i hoću da kažem da smo, evo, što se džendera tiče mi žene pojačane u ovom sazivu Skupštine Kantona i to nas samo ohrabruje da, evo, do kraja mandata možemo istrajati na nekim ženskim pitanjima, pokretanju i usvajanju problematike, a možemo i zajednički djelovati bez obzira na političko opredjeljenje. Pošto je zastupnik Begić i Jupiće dovoljno su i detaljno i ministar Trifunović rekli o Inicijativi svojoj ... svojim inicijativama koje su pretočene u Nacrt ovog Zakona, a tiče se direktno depolitizacije sistema školstva, želim samo još jednom da kažem da ne treba da se zaustavimo samo na sistemu obrazovanja, kad je u pitanju depolitizacija, nego da treba da se krene i na druge sektore javnog djelovanja na području Bosne i Hercegovine. Naime, dajmo šansu sposobnim ljudima, dajmo šansu svima. Na ovaj način nije ugrožena ona Deklaracija o osnovnim ljudskim pravima. Nećemo zabraniti ljudima njihovo političko opredjeljenje. Međutim, gospodo, ne možete biti čelnici stranaka, ne možete biti i javno istupati,

ne možete se javno politički angažirati, a vaše opredjeljenje i glasačko pravo niko vam nije oduzeo. Znači, na ovaj način još jednom ističemo da će doći u prvi plan kvalitet onih ljudi koji će u budućnosti voditi osnovno i srednje obrazovanje Zeničko-dobojskog kantona. Mislim da trebamo da poslužimo kao jedan kanton za primjer i ostatku Federacije, odnosno Bosne i Hercegovine da se vrši depolitizacija školstva na području naše države. Toliko, hvala.

PREDSJEDAVAJUĆI

Hvala zastupnici Mundžić. Ovako, imam prijavljenu posl ... zastupnicu Janju Ivić, pa Nermina Kadrića, Hasan Handžić ... ko je dalje ... Izvolite.

JANJA IVIĆ

Obzirom da je Zakon o dopunama Zakona o osnovnoj školi u Nacrtu, ne želim puno da vam oduzimam vremena, ali kao neko ko je proveo skoro cijeli radni vijek u obrazovanju ili tačnije 38 punih godina, obrazovala, vaspitavala mlade naraštaje, ne mogu a da ne kažem bar dvije-tri rečenice. Kad su uvaženi zastupnici, gospodin Jupić i gospodin Begić, pokrenuli ovu Inicijativu, ja sam bila sretna. Danas sam još sretnija jer je pred nama Nacrt Zakona, a spokojna i zadovoljna ću biti kad ovo bude u primjeni u što ja sam duboko ubijedena. Žao mi je što nisam prisustvovala Komisiji za obrazovanje, nauku, sport i kulturu čiji sam član, ali je došlo do pomjeranja termina, ja ... obzirom da je to bilo preko vikenda, znači, vjerovatno da sam bila, ne vjerovatno nego sigurno bi omjer glasanja bio ... bio drugačiji. Znači, ovaj Nacrt podržavam bez dileme, jer sam kao osoba koja je, maloprije rekoh, tolike godine radila u obrazovanju dobro osjetila šta znači raditi u školi ako ti je direktor iz neke druge političke stranke. U neko vrijeme sam obnašala i funkciju predsjedavajuće Općinskog vijeća gdje sam svaki put imala problem kad sam trebala zakazati sjednicu Općinskog vijeća gdje mi se sputavalo, nije odobravalo. Znači, imaš pravo da budeš član političke stranke, partije, ali nemaš pravo da provodiš politiku u školama bez obzira koja je politička partija. Ponukana onim što je danas govorio Iva Tadić i zbog čega je Klub Hrvata održao sjednicu Kluba, hitnu, duboko sam ubijedena da će ovim izmjenama u osnovnim, govorim za Općinu Kakanj iz koje dolazim, u osnovnim školama i pripadnik nekog drugog naroda, pa hajmo reći u ovom slučaju Hrvata, imati šansu bar da konkuriše, da bude direktor jedne vaspitno-obrazovane ustanove. Hvala lijepo.

PREDSJEDAVAJUĆI

Hvala zastupnici Janj ... Ivić. Zastupnik Kadrić, pa zastupnik Handžić.

NERMIN KADRIĆ

Zahvaljujem gospodine predsjedavajući. Ja želim napomenuti i podsjetiti nas poslanike ovdje, odnosno, zastupnike u Skupštini Ze-do kantona da dugo jedna inicijativa nije pobudila takav interes javnosti, pa i onih koji se bave obraz ... obrazovanjem, kao što je ova Inicijativa gospodina Jupića i gospodina ... gospodina Begića. S obzirom ... za obrazovanje i kulturu, mi smo raspravljali o tome i mislim da je ovdje vrlo važno napomenuti sljedeće, da je kroz ovu Inicijativu osim ove depolitizacije poslate su dvije jake odnosno nekoliko jakih ... jakih poruka, a to je da će kroz ovaj proces i kroz ovaj Zakon koji će primjenjivati bez obzira što je on omekšan na izvjestan način u odnosu na vašu izvornu Inicijativu koja je po meni bila optimalno rješenje, ali ovo je približavanje na neki način optimalnom ... optimalnom rješenju i pomirenju, ovaj, sa Deklaracijom o ljudskim ... ljudskim pravima, ali ona daje jednu snažnu poruku a to je da na čelu obrazovnih institucija trebaju doći profesionalci oni i da se trebaju baviti isključivo svojim poslom. A ono ... a taj posao je obrazovanje novih mladih generacija i druga poruka je da kroz depolitizaciju direktora i pomoćnika i zabranu njihovih javnih nastupa, istovremeno ... pazite, direktori imaju po dva mandata po sadašnjem zakonu. Znači, to je 8 godina. Znači, pogledajte koliko je generacija izlazi iz škola i koliko oni kroz svoj javni angažman utiču na formiranje, pogotovo još u osnovnom obrazovanju, na formiranje, razmišljanja tih djece kroz pripadnost određene stranke i javno ... i javno nastupanje. Evo toliko i još jednom čestitam, ovaj, podnosiocima ove Inicijative. Sretan sam što će ona ugledati, ovaj, svoje svjetlo ... ugl ...

ugledala je svoje svjetlo dana i kroz, znači, kroz ovu javnu, ovaj, raspravu eventualno biti poboljšana mada ne vidim neke posebne, ovaj, posebne mogućnosti i da je ... svjesni smo dugoročne poruke ove Inicijative, a to je da slijedi depolitizacija ne samo obrazovanja nego kompletnog javnog sektora. Hvala.

PREDSJEDAVAJUĆI

Hvala kolegi Kadriću. Znači, poslanik Hasan Handžić, pa poslanik Mustafa Spahić. Imam vas u vidu, go ... Imam vas u vidu, zapisao sam.

HASAN HANDŽIĆ

Gospodine predsjedavajući, evo ja ću u ime Kluba. Obzirom da se radi o vrlo bitnoj oblasti, obzirom da se radi o, iskreno se nadam, iskrenom njetu depolitizacije nečega što je po meni jedna od najbitnijih oblasti kako u Kantonu, tako u državi. Žao mi je što ovakva praksa ide u dva ili više koraka, ali evo, ispraviti ćemo sve greške ako Bog da u narednom periodu. Nadam se da će ... da ćemo dobiti podršku. Klub zastupnika će podržati ovu, obzirom da je podržao Inicijativu, podržat će i ovaj Nacrt Zakona u ovoj formi, naravno, to ne mora značiti da ćemo podržati i prijedlog, ali ću kao predsjednik Kluba .. Kluba i član Kolegija već na narednoj sjednici Kolegija pokrenuti inicijativu da na ovakvom i istom principu idemo u depolitizaciju svih javnih preduzeća, ustanova, pa čak i ministarstava osim ministara, naravno, koji su produkt ... produkt politike. Nadam se da ću dobiti podršku Kolegija i nadam se da ću dobiti podršku i vas svih ovdje prisutnih zastupnika. Drago mi je da su dva predsjednika kluba pokretači ove Inicijative i nadam se kako ja podržavam njih tako će i oni podržati mene. Ako to ne učini Kolegij, onda ja nemam druge, učiniti će Klub zastupnika Stranke za Bosnu i Hercegovinu da bar u ovom mandatu izvršimo nešto što je po meni trebalo davno da se učini, a to je depolitizacija svih oblasti, kako školstva, tako zdravstva, policije, javnih preduzeća i ustanova, jer su svi oni faktori koji posredno ili neposredno utiču na ... na politiku ili ili politikanstvo. Slažem se sa kolegicom Janjom Ivić. Svi imaju problema političanske ili političke prirode u bilo kojoj instituciji, ne smatram da je bilo koja druga oblast manje bitna od školstva. Još jednom, u ime Kluba, podržat ćemo ovaj Zakon, ali ćemo i pokrenuti inicijative vezano za depolitizaciju i ostalih sfera.

PREDSJEDAVAJUĆI

Hvala. Mustafa Spahić, pa poslanik Zaim Imamović Kaze.

MUSTAFA SPAHIĆ

Sve vas još jednom srdačno selamim i pozdravljam. Obzirom da se radi o Nacrtu Zakona kratko ću i ja iznijeti svoje zapažanje ...

PREDSJEDAVAJUĆI

Zamoliti ću punu pažnju, molim vas.

MUSTAFA SPAHIĆ

... o Nacrtu. Naime, izražavam zadovoljstvo što je predlagač prepoznao naše sugestije da ... da bi u prvobitnu inicijativu kolega Begića i Jupića bilo narušavanja ljudskih prava, pa je došlo evo do ... do blaže varijante. Bio bih sretan da se ove izmjene rade u okvirnim zakonima o srednjoj školi i osnovnoj školi kako bi stvarali jedinstven sistem obrazovanja, a ne da ovako radimo parcijalno, da to radi jedan Kanton. Još bih sretniji bio eto da se to radi na nivou Federacije, da su svi kantoni prihvatili ovakve inicijative i da se to radi na ... na objedinjavanju sistema obrazovanja, a ne ovako u jednom Kantonu ćemo mi, onaj, urediti na jedan način, ostali kantoni će ostaviti na ... na druge načine, uređivat' na sljedeće načine. Uglavnom, evo zamolio bih kolege koji su u Federalnom Parlamentu da, onaj, pokrenu ovakve inicijative da se to radi u svim kantonima, da se radi na objedinjavanju sistema obrazovanja, a ne ovako da se radi na parcijalnom uređenju ove oblasti po kantonima. Eh, sad dolazi ono, sad se ide uređivanje i po općinama. Moja ... su ...

moja ... moja zabrinutost je kako će to biti uređeno u Općini Žepče i u Općini Usora ako Bog da kad se prenese nadležnost obrazovanja srednjeg i osnovnog. Hoće li oni poštivati ove? Šta ih obavezuje da poštivaju ... da poštuju odredbe ovog Zakona kojeg ćemo donijeti? Jel' koliko se sjećam za ovom govornicom ministar je rekao da je pandam ovoj Skupštini Vijeće općine Žepče, odnosno Vijeće općine Usora koje će uređivati oblast osnovnog i srednjeg obrazovanja. Izražavam dalje sumnju u realizaciju ove Inicijative zbog toga što u zakonu nema tijela, nema sankcija za nepoštivanje odredbi. Ne možemo ostaviti, kolega Begiću, nekome da, onaj, na osnovu svoje procjene cijeni je li neko prekršio ili nije, moramo to predviditi zakonom i dati ... odrediti tijelo koje će vršiti nadzor nad primjenom propisa koje ... koje ... koje mi donesemo ovdje. I na kraju, obzirom da se radi o Nacrtu, evo uputio bih javni poziv aktivu direktora osnovnih i srednjih škola da se aktivno uključe u ovo jer se ovo radi i tiče njihovog obavljanja funkcija i pravljenja ambijenta za obavljanje njihovog rada. Nadam se da će kroz javnu raspravu to ... da ćemo kroz javnu raspravu dobiti kvalitetne prijedloge i kvalitetne sugestije kako bi popravili i ovaj Nacrt Zakona. Zahvaljujem.

PREDSJEDAVAJUĆI

Hvala vam. Još dva poslanika, Zaim Imamović Kaze i zastupnica Emina Huseinspahić, pa predlažem da riječ damo gostima.

ZAIM IMAMOVIĆ

Gospodine predsjedavajući, ja neću dugo.

PREDSJEDAVAJUĆI

Izvolite.

ZAIM IMAMOVIĆ

U potpunosti podržavam ovaj Nacrt Zakona o osnovnoj školi što su pokrenuli gospodin Jupić i gospodin Begić. Što se tiče ovog člana 1. i član 2., ona dopuna člana 7. iz člana 1. i dopune člana 85. i član 2. u potpunosti podržavam. Prije 5 godina je Misija OSCE-a bila ... koja je bila zadužena za obrazovanje je bila za depolitizaciju u školama na čijem je čelju ... čelu je bio gospodin Kofer i u to vrijeme sam ja bio na tim sastancima i hvala Bogu da dođe do toga, pa kada prođe mandat ovim direktorima i pomoćnicima, nek' se ponovo angažuju i nek' budu članovi nekih od stranaka. Hvala lijepo.

PREDSJEDAVAJUĆI

Hvala kolegi na konciznosti i jasnoći. Zastupnica Huseinspahić.

EMINA HUSEINSPAHİĆ

Uvijek je nezahvalno zadnji u nizu bit', pa svi prije kažu šta ... što sam i ja mislila reći. Ovaj, neću se ponavljati u ovim dijelovima koji su ... o kojima su moji prethodnici već govorili. Ja želim, naravno, da pohvalim ovu Inicijativu. Ona je odlična. Ovaj, i imam zamjerku Vladi, budući da je ovo Inicijativa koja je, hajde da kažemo, pokrenuta lani, pa još malo u ovo doba godine, nekako mjesec-dva je razlike. Ovaj, da su se poštovale procedure, rokovi, mi bi ustvari sada imali možda i Prijedlog Zakona, u najmanju ruku ovdje, ovaj, da o njemu razmatramo ili u najboljem slučaju već u primjeni izmjene i dopune ovog Zakona. Tako da, evo, to je jedna mala zamjerka, posebice što se, Vladi naravno, posebice što se radi o jednoj izuzetno dobroj Inicijativi. Što se tiče ovih priča i od strane poslanika, a i iz kuloara što se moglo čuti, vezano da toga da je Inicijativa, pa čak i neustavna, da uskraćuje temeljna ljudska prava, između ostalog pravo na političko opredjeljenje i djelovanje, ja kao diplomirani pravnik i doktorant pravnih nauka zaista ne vidim elemente ugrožavanja prava na političko opredjeljenje. Ono što može bitno nekome ne odgovara u datim okolnostima, o tome se da pričati, ali o ugrožavanju, ovaj, elementarnih prava, ustavnih, iz Konvencija, posebice prava na političko djelovanje zaista nema govora. Hvala lijepo.

PREDSJEDAVAJUĆI

Hvala koleginici. Kolega Plančić, hoćemo dozvoliti gostima? Replika, je li? Izvolite, kolega Aliefendić, izvolite, pa da dozvolimo gostima. Vi ste predsjednik Kluba, nadam se da ćete biti toliko tolerantni. I Šišić. Hoćemo li dati onda prednost dvojici?

ALMEDIN ALIEFENDIĆ

Evo ja ću iskoristiti priliku još jednom da poselamim i pozdravim sve prisutne. Im'o sam jednostavno potrebu da kažem uvaženoj kolegici Emini Huseinspahić, je li, da je Ustavom Federacije u odjeljku II. Ljudska prava i osnovne slobode, u članu 2. upravo definisano ono o čemu ste vi sad govorili, ali na suprotan način. Znači, „svi građani uživaju pravo na osnivanje i pripadanje političkim strankama i politička prava da učestvuju u javnim poslovima, da imaju jednak pristu ... pristup javnim službama, da biraju i da budu birani“. Ja mislim, definitivno, da ovakvim jednim pristupom ukoliko ovaj Zakon i prođe formu nacрта, odnosno bude usvojen, da u prvoj prilici ocjene ustavnosti ovakvog jednog zakonskog rješenja, mislim da ćemo imati problem, ustvari, evo neću da prejudiciram kakva bi bila tu ocjena Ustavnog suda, ali po svemu sudeći na osnovu ovog člana iz Ustava Federacije, mislim da ćemo dovesti jedan broj građana Zeničko-dobojskog kantona u diskriminirajući položaj u odnosu na ostale. Hvala.

PREDSJEDAVAJUĆI

Replika. Emina Huseinspahić. Jesu sve tri replike? Izvinjavam se. Znači, Emina, Senaid, Jupić.

EMINA HUSEINSPAHIĆ

Uvaženi kolega, taj član koji ste vi meni pročitali, ja sam učila na drugoj godini studija Pravnog fakulteta i to je član koji ja znam u potpunosti, ali obzirom da je Inicijativa u Nacrt Zakona ušla kao apstrahovana i ublažena, dakle, ne u onom obliku kako je prvobitno bila formulisana, što naravno, pravi razliku. Ovaj, iz tog razloga proizilazi i ovaj moj stav. Druga stvar, aktivno biračko pravo i pasivno, svako ima. Ko to vama može zabraniti da se vi kandidujete, budete na listi i da vas neko bira? Ko? Ne može to izmjena i dopuna Zakona, ali pazite, ne možete ... zaista nije umjesno biti politički angažovan i ... i sa izbornim legitimitetom i upravljati jednom javnom ustanovom, direktor biti. Zaista ne može.

PREDSJEDAVAJUĆI

Samo malo, molim vas, pažnje.

EMINA HUSEINSPAHIĆ

To nije stvar uskraćivanja prava. Zaista nije, ali je stvar poslagivanja i tjeranje politike, ako ništa iz menadžmenta iz javnih ustanova.

PREDSJEDAVAJUĆI

Hvala vam.

EMINA HUSEINSPAHIĆ

Ja mislim da razumijemo se.

PREDSJEDAVAJUĆI

Ovako. Hoćete li vi da ja vas pustim da međusobno izreplicirate, pa da onda nastavimo? Kolega Senaide, izvolite.

SENAID BEGIĆ

Mislim da je, ovaj, ova intervencija, odnosno stavovi koje je iznio gospodin Almedin Aliefendić imalo smisla da je ... da ovdje raspravljamo u formi one naše izvorne Inicijative, u onom dijelu kada smo rekli izvorno Inicijative da nema mogućnosti potencijalni direktor, zamjenik direktora, da bude član političke stranke ikakve, da bude ikak ... ikakve vrste političkog angažmana.

Međutim, ovo je varijanta koja je ... koja je u skladu sa zakonskim okvirima u sljedećem: da je tačno to što vi predviđate da bi moglo biti predmet koji bi bio upitan od strane u smislu kršenja Ustava, onda bi bilo dovedeno u pitanje sve ovo što se odnosi na državne službenike, jer ovaj ... ova forma ovog prijedloga je urađena na način kako se to definiše kada su u pitanju državni službenici, odnosno ovdje fino stoji da prilikom objave na konkurs za imenovanje direktora škole odnosno prilikom imenovanja pomoćnika direktora kandidati su dužni dostaviti ovjerenu i potpisanu izjavu da nisu članovi tijela ili organa niti jedne političke stranke, te da za vrijeme obnašanja povjerene javne dužnosti neće politički djelovati u smislu postupanja po datim političkim uputama ili preporukama, smjernicama i komentarima političkih stranaka, javnog angažovanja u radu stranačkih tijela ili organa, učešća u organizovanju javnih političkih istupa uključujući i prisustvo na javnim političkim skupovima stranaka ili njihovih organa i tijela, kao i u svim drugim oblicima javnog podržavanja iznesenih stavova političkih stranaka, a na osnovu koji bi se u javnosti ili školi moglo dovesti u pitanje njihova ... njihovo opredjeljenje i politička nepristrasnost. Znači, ovo je jasno definisano na način da apsolutno oni imaju mogućnost tog aktivnog-pasivnog biračkog prava, odabira političke opcije, a stvar je samo u njihovom ... interpretaciji njihovog javnog govora i djelovanja. Svakako, dobro je to ...

PREDSJEDAVAJUĆI

Molim vas, vodite računa da koristite pravo na repliku.

SENAID BEGIĆ

Svakako da je, ovaj, ovo u pitanju početak jednog određenog procesa i da imamo niz nelogičnosti, ovaj, u smislu obnašanja funkcija na pozicijama direktora, izvršna, zakonodavna vlast. Ne mora se ... ne mora, ovaj, ići to puno dalje. Evo ja sam u funkciji kada mogu biti i direktor i zastupnik, ovaj, u Skupštini, ali evo isto tako sam spreman da sutra dođemo u poziciju da ... da i takvi primjeri ne budu ... ne budu praksa, nego da se dovedemo u situaciju, znači, da to bude ili-ili, na neki način. Sam doktor Jupić je rekao da je to i njega iniciralo da pokrene izmjene i dopune, ovaj, Zakona na ... na Federalnom Domu naroda kad je u pisanj ... pitanju ovaj zdravstveni sektor, a evo ja samo mogu reći da ću mu se, ovaj, u tome pridružiti i ja, kad su u pitanju ovakve vrste inicijativa. Zahvaljujem.

PREDSJEDAVAJUĆI

Doktor Jupić, izvolite. Pravo na repliku. Mislim da ste se i vi za repliku javili.

ADNAN JUPIĆ

Evo pošto se gospodin Čajlaković javlja za repliku, ja ću onda njemu ustupiti mjesto, pa ću ja kratko drugu diskusiju uzeti, poslije.

PREDSJEDAVAJUĆI

Dobro. Po ... vi se javljate za novu diskusiju. Izvolite kolega Čajlaković, replika. Nadam se da ćemo onda moći dati riječ gostima, pa nastaviti sa raspravom među poslasticima.

ASIM ČAJLAKOVIĆ

Ja po ovoj tački svima repliciram. Znači, imate svi repliku. Dame i gospodo, kolege i kolegice, uvažena kolegice čestitam. Ovo vam je isto kad kupite dobru kozmetiku, jako lijepo miriše, ali izaziva štetu na tijelu. To ovi doktori znaju. Ja toliko o ovome. Hvala.

PREDSJEDAVAJUĆI

Niste vi tamo džabe na Glavnom odboru Stranke za Bosnu i Hercegovinu. Izvinite, ovo je ovako. Ovako, imamo dva gosta danas. Jedan je mlađi. Molim vas, dovodite me u vrlo neugodnu poziciju. Hoćete li vi da je predsjedavam ili da ne predsjedavam? Od jednog čistog Zakona i Inicijative, pravite mi vrtlog ovdje. Imamo ovdje dva uvažena gosta, ako ste spremni da im damo pravo. Ko se još za repliku javio, izvinjavam se? Ja sam samo htio da sad damo riječ i

mogućnost da se gosti obrate i gospodina Plančića sam zamolio i on je to tolerisao. Gospodin Šišić koji se javio, takođe, je to tolerisao. Iscrpili smo red replika i sad sam htio da gosti ne čekaju toliko, da budemo toliko ućtivi. Mislio sam i ranije da im damo riječ, ali ako vi ne date meni da im dam tu riječ, vi nastavite, molim vas, evo, ali ja mislim da je red da predstavniku Vijeća mreže učenika, mladom gospodinu Samiru Puriću koji je javio ... prijavio se pismeno damo mogućnost, evo i kolega Begić ga je najavio i ovdje je predsjednik Sindikata u srednjem obrazovanju gospodin, ovaj, Dževad Hadžić koji dugo vremena čekaju da mi iscrpimo sve svoje ... molim vas, evo hvala vam. Izvolite kolega.

SAMIR PURIĆ, predstavnik MREŽE VIJEĆA UČENIKA ZDK

Hvala. Evo ja vas sve srdačno selamim i pozdravljam ispred Mreže vijeća učenika Zeničko-dobojskog kantona. Ja sam Samir Purić, predsjednik Mreže vijeće učenika Zeničko-dobojskog kantona i, ovaj, evo, ovaj, ja sam danas tu u svojstvu da ispred Mreže vijeća učenika pružim podršku ovoj depolitizaciji školstva, ali prije toga rekao bih par riječi o samoj Mreži vijeće učenika. Naime, Mreža vijeće učenika Zeničko-dobojskog kantona osnovana je 2010. godine i od tad aktivno učestvuje u borbi za prava i obaveze srednjoškolaca i statusa srednjoškolaca u našem kantonu. Radili smo dosta projekata, dosta aktivnosti, no, ne bih sad o tome previše da pričam, ali ono što je jako bitno pomenuti jeste da smo prošle godine na Konferenciji u Sarajevu izabrani za najbolju mrežu u Bosni i Hercegovini zahvaljujući našem radu, našem trudu i potpisanom memorandumu 18.03. prošle godine sa Ministarstvom obrazovanja, nauke, kulture i sporta. Ja mislim da se i ministar, gospodin Mirko Trifunović, sjeća te Konferencije i zaista imamo i odličnu saradnju sa Komisijom za mlade Zeničko-dobojskog kantona i oni su nam omogućili da potpišemo taj memorandum. Ja ću sada ukratko pročitati taj dopis koji smo mi sastavili na našem zadnjem seminaru i koji je vezan za depolitizaciju školstva. Mreža vijeće učenika Zeničko-dobojskog kantona je krovna organizacija za sred ... organizacija srednjoškolaca u kantonu osnovana 2010. godine. Od tada aktivno učestvuje u borbi za prava, obaveze i status srednjoškolaca. Mreža vijeće učenika Zeničko-dobojskog kantona podržava Inicijativu pokrenutu u Zeničko-dobojskom kantonu o donošenju izmjena i dopuna Zakona o srednjem obrazovanju u Zeničko-dobojskom kantonu vezani za depolitizaciju školstva. Politički uticaj, lobiranja, a naročito borba s direktorske pozicije u srednjim školama su postala svakodnevnica, ali problem u cjelosti neće biti riješen dok se depolitizacija ne provede i među profesorima. Zbog toga predlažemo Komisiji za mlade Zeničko-dobojskog kantona da nakon provođenja ovih izmjena inicira donošenje izmjena i dopuna zakona koji bi onemogućila i najstrožije se obračunala sa politikom u obrazovnim institucijama. Smatramo da se ova inicijativa direktno tiče srednjoškolaca, jer odvaja obrazovni sistem od politike i time dovodi sposobne, a ne podobne ljude u obrazovne institucije i blokira svaki vid političke manipulacije, promovisanja političkih ideja među mladim ljudima u srednjim školama. S poštovanjem, Mreža vijeće učenika Zeničko-dobojskog kantona. Dakle, ovo je glas nas srednjoškolaca o samoj Inicijativi, jer, ovaj, mi smo dosta razmatrali o tome i smatramo da se treba provesti i među profesorima zato što znam iz primjera jednog srednjoškola gdje lično jedan profesor pozivao ga u političku stranku i to na času. Tako da, onaj, se pokuša i na tom polju djelovati i mi smo svakako ... pružamo punu podršku ovoj Inicijativi. Toliko od Mreže vijeće učenika. Hvala vam.

PREDSJEDAVALJUĆI

Hvala gospodinu Samiru Puriću. Predsjednik Sindikata u srednjem obrazovanju, gospodin Dževad Hadžić, izvolite.

DŽEVAD HADŽIĆ, predsjednik Sindikata srednjeg i visokog obrazovanja, odgoja, nauke i kulture BiH,

Poštovano Predsjedništvo, poštovani predsjedavajući, gospodo zastupnici, želim da vas sve pozdravim u svoje lično ime i da kažem da danas predstavljam sindikate obrazovanja sa područja Zeničko-dobojskog kantona. Znači i osnovno i srednje i visoko obrazovanje. Prije nego što kažem nekoliko riječi o danas tretiranom Zakonu, to jest Nacrtu Zakona o dopunama Zakona o

osnovnom i srednjem obrazovanju, ne bi ... neću se javljati po drugoj tački, već ću odmah da obradim obadva ... obadvije tačke dnevnog reda. Znači, odnose se na obadva ... obadvije izmjene i dopune zakona. Naš temeljni zahtjevi sindikata obrazovanja su redovna i kvalitetna plaća i naknade. Drugi temeljni naš zahtjev svim vladama, kako Zeničko-dobojskog tako i svih drugih vlada jeste stalan proces reforme obrazovanja za kvalitetno obrazovanje. Znači, nismo zadovoljni kvalitetom obrazovanja. Na tome nastojimo i nastojat ćemo i dalje da uvijek utičemo i da postićemo reformu obrazovanja za boljitak ovih mladih. Evo jedan predstavnik je i bio ovdje ispred Vijeća učenika koje mi svesrdno i pozdravljamo i pozivamo ih za saradnju i sa sindikatom obrazovanja. I treći naš temeljni zahtjev jeste, ovo o čemu vi danas raspravljate, jeste depolitizacije obrazovnog sistema, evo rećemo Zeničko-dobojskog kantona, ali ovdje tretiramo samo dva segmenta osnovno i srednje obrazovanje. Kada je Inicijativa od uvaženih zastupnika došla pred vas ovdje, a i pred nas u sindikat, mi smo tu Inicijativu za depolitizaciju svesrdno podržali i čak je i promovisali putem press konferencija na federalnom nivou. Istu smo uputili prema svim ... prema svim ministarstvima obrazovanja putem naše sindikalne mreže na prostoru Federacije i mi jasno i glasno poručujemo da smo za Inicijativu, ne jednom rukom već sa obadvije ruke da se ide hrabro i čvrsto u proces depolitizacije obrazovnog sistema o ovom tretiranom Nacrtu Zakona i za osnovno i srednje izmjene i dopune, tretira se, znači, da direktori i pomoćnici ne mogu biti u ovom poje ... da kažem pojeftinjenom prijedlogu u odnosu na Inicijativu, da mogu biti članovi, a ne mogu biti članovi izvršnih organa. Mi nismo baš načisto da je to dobra ... dobro odstupanje od izvorne Inicijative i mi ćemo zahtijevati, evo danas upućujemo inicijativu, da se vratimo izvornim principima i izvornom tekstu koji su zastupnici Jupić i Senaid Begić uputili vama, jer mislimo da je to dobar put depolitizacije, a podržali bi i ovu inicijativu koje je Vijeće ... Vijeće učenika ako treba i dalje depolitizacija i svog nastavnog osoblja, jel', ne smije biti politike. To i sadašnji zakoni tretiraju, ne smiju se profesori, učitelji, nastavnici baviti politikom, već ono za što smo i slabo plaćeni, da kažem. Tražimo da budemo bolje plaćeni. I u tom pravcu, mi takođe zahtijevamo da ne odustajemo ni od formiranja jedne neovisne komisije koja bi pratila jedan vid depolitizacije i predlagala to unapređenje. Mislim da je uvaženi zastupnik doktor Drljević na svom izlaganju kada je bio ovaj Zakon i ova Inicijativa pred vama ovdje takvu jednu komisiju podržao i mi je takođe podržavamo i smatramo da bi je trebalo formirati i da se ugradi u ove izmjene i dopune. Ali evo pošto je u formi Nacrta, znači, ovo shvatite kao naše inicijative i smatramo da treba ih uvažiti, a da ćemo dati svoj doprinos i u izradi konačnog Prijedloga ovog Zakona. Ja se zahvaljujem što ste imali vremena i želje da nas saslušate. Hvala.

PREDSJEDAVAJUĆI

I ja se Vama zahvaljujem. Predsjednik Kluba poslanika Stranke demokratske akcije, gospodin Ibrahim Plančić. Dobro. Poslanik Ibrahim Šišić, izvolite.

IBRAHIM ŠIŠIĆ

Evo ja vas, naravno, želim sve selamiti, ovaj, pozdraviti. Prije nego iznesem, evo, u ime predsjednika stav Kluba SDA, želim samo progovoriti koju riječ. Ja sam naravno u lično ime govorio dok je bila ova Inicijativa na dnevnom redu, želeći da na neki način deanatemišem ovakav jedan pristup. Zapravo, ako sebe se ... sve sk ... skeniramo vidjet ćemo da smo mi politički aktivni, da smo iz određenih političkih opcija i sami sebi na neki način zabijamo autogol što nije korektno i nije fer prema našim, ovaj, građanima. Govoriti o politici u jednom negativnom kontekstu, a baviti se u politici je po meni jedno političko licemjerstvo. Ja bih da više govorimo o politici kao pravu, o politici kao kategoriji jasno definisanom političkom sistemu, o politici koja treba da se brine o dobrobiti građana i zajednice na jednoj strani i o politikanstvu koja je više na sceni danas ovom jednom političkom haosu kao jednom ... kao tendenciji zloupotrebe privilegija i položaja lična ... ličnog, kolektivnog, grupnog, itd. I mislim da se ove dvije stvari brkaju i mislim da sami sebi skaćemo u stomak. S te strane, ja bih zaista i danas kazao da ja hoću biti, ovaj, sam bio direktor bolnice. To je vrlo hrabro što ću reći sada. Je li neko zna primjer da sam ja tražio nekome člansku SDA da budem direktor, da bude moj

zaposlenik? Ponavljam, je li neko svjedok da sam ja tražio člansku SDA? Prema tome, ovaj, s jedne strane, ja želim kao čovjek razumjet' ovu Inicijativu o depolat ... depolitizaciji. Međutim, evo postavite stvari ovako, ako je po ovoj formulaciji direktor pod znacima navoda političar, politički pristrasan, politički sprovodi stavove, političke, ovaj, aktivnosti, itd. Zar mislite na drugoj strani ... zar mislite na drugoj strani da direktor koji se ne bavi politikom, znači, istovremeno, odnosno, ne znači ovo, da neće biti politički pristrasan, da neće sprovoditi, itd. Ja ne mislim da je to tako. Znači, ja ne mislim da smo mi formalno riješili suštinu. Čak šta više ... čak šta više, pokrili smo plahtom nešto što će imati iste svoje, ovaj, korjene, ista svoja ponašanja itd., a mi smo, eto, pred zakonom, pred građanima čisti u tome. Molim vas, biti političar je po meni vrijednost, ali nije vrijednost biti političar i sprovoditi političke mahinacije, sprovoditi da tako kažem sve ono što danas jeste suštinski problem, a suštinski je problem, gospodo, lopovluk, supštinski ... suštinski je problem su štele, skupštinski problem su veze, skupštinski problem su prava ili privilegije određenih kategorija društvenih slojeva itd., itd. koji nemaju političku boju. Prema tome, ovo mi možemo usvojiti. Ja to mogu pozdraviti, ali se bojim da suštinski nećemo riješiti nikakav problem. Donijet ćemo zakon. Mi zakona imamo sasvim dovoljno koji formulišu ovo. Ja bih volio da je ovaj momak što je prije ovdje bio, da je prijavio tog tamo nastavnika koji politički propagira problem, pa da budemo društveno korisni članovi kao politički odgovorna lica. Politički odgovorna lica koja će raditi svoj pos'o. Međutim, ovo je moje lično promišljanje, naravno, želim da branim ovu svoju teoriju sa stanovišta da možete biti političar, ali možete biti i dobar biznismen, dobar menadžer, sposoban itd. Na kraju krajeva, to i historija pokazuje. Bojim se da ne anatemišemo one koji zaista imaju iskrene namjere i da na neki način politički ne dezavuiramo. Što se tiče Kluba, Klub će na ovaj prijedlog Nacrta naravno ostati suzdržan. Mi smo u formi Inicijative i danas kazali šta mi zamjerimo svemu tome, ali evo da dodam s druge strane, pošto je ovo forma Nacrta, pošto ide u Javnu raspravu, da zapravo predložimo ili sugerišemo da Klub SDA, znači, predlaže da ovu formu člana 2. Zakona o dopunama Zakona o osnovnoj školi formulišemo na sljedeći način, a to je da prilikom prijave na konkurs za izbor i imenovanje direktora škole, odnosno prilikom imenovanja pomoćnika direktora, kandidati su dužni dostaviti ovjerenu i potpisanu izjavu da nisu članovi tijela ili organa niti jedne političke partije. Ovdje jasno govori ako imamo, ovaj, na neki način iskrene namjere o tome da možemo jasno sa ovom rečenicom formulirati ono što želimo u ovom Nacrtu ili sutra u Prijedlogu kazati. Hvala lijepo.

PREDSJEDAVAJUĆI

Hvala. Jesu replike, Senaide? Replika kod Vas gospođo Ugarak? Po drugi put imam diskusije. Jesu kod Vas ... ? Diskusija, uredu. Imam doktora Drljevića, pa doktora Jupića, izvolite.

SENAID BEGIĆ

Samo kratko. Ja ... ja apsolutno smatram izlaganje gospodina Šišića dobronamjernim i kako da kažem nekom vrstom diskusije koja ide u pravcu da ovo napravimo na najbolji mogući način, ali ja evo sa ove govornice, odgovorno tvrdim, da donošenjem izmjena i dopuna ovoga Zakona stvar ne može biti sigurno gora nego što je bila. To govorim iz ovog razloga znači u smislu da ... da sad ovo ... da sad ... ovo ispada kao donošenje neke ... nekakve vrste plahte ispod čega će stvari ostati, onaj, nepromjenjene. Ja mislim da će ipak ovo biti napredak u odnosu na ... na ono kako je bilo s jedne strane i mislim da je pomalo degutantno pozivati, ovaj, učenika koji je doživio to što je doživio, da to „ko biva“ prijavi nekakvim tamo inspekcijama, nekakvim organima, nekakvim nečemu. Znae šta bi on doživio? Doživio bi samo apsolutnu vrstu šikaniranja do kraja svog školovanja. Bio bi žigosan i vjerovatno bi tražio načina da se čim prije prebaci u neku drugu školu da bi mogao svoje školovanje da ... da privede. Ovo sigurno ... to prijavljivanje sigurno ne bi ... ne bi, ovaj, napravilo neku bolju stvar u sistemu ovakvom kakav jest. To je s jedne strane, hoću da kažem. S druge strane, bilo je diskusija, a dobro eto krenulo se ovdje u Zeničko-dobojskom kantonu što mi uvijek, što se to ne uradi ne znam u Širokom Brijegu, tamo ovamo, kako će to biti u Usori, kako će to biti u Žepču. Biće onako kako je regulisano u ... u ... u, ovaj, u okviru resora Ministarstva obrazovanja Zeničko-dobojskog

kantona. Mi se bavimo nivo obrazovanja u sklopu Zeničko-dobojskog kantona je kantonalni nivo i mi svojim primjerom trebamo da pokažemo drugima kako treba da se postave u vremenu koje je pred nama. Ako budemo jedan pozitivan primjer, pa sigurno ima i, ovaj, predstavnika i Međunarodne zajednice i OSCE koji prate ovaj rad, pa ćemo biti vjerovatno dobar urnek za druge, ali ovo, izvorno znači od one moje prve rečenice kada je u pitanju ova replika, znači, dovodenjem ovo ... ovih izmjena, ma kakve one bile, da li one bile u onoj izvornoj varijanti ili bile one u ovoj blažoj varijanti, stanje će biti ako ništa barem bolje nego što je bilo do sad. Zahvaljujem.

PREDSJEDAVAJUĆI

Hvala. Replika.

IBRAHIM ŠIŠIĆ

Ruku na srce, ovaj, nisam nikoga mislio javno..., ali mi zaista imamo dovoljno zakona, dovoljno propisa, dovoljno pravilnika, nastavničko vijeće kao kolektivni organ, dovoljno inspekcija da to sve riješimo, da to sasječemo i sa predašnjim ili postojećim zakonskim propisima, ali ja govorim o tome koliko je apstinencija kao, ovaj, činjenica pristupačna. Međutim, kad govorimo o politizaciji, uvjerite me da Vlada nije političko tijelo. A zašto se natječemo na političkim izborima? Ko mi garantuje da Vlada neće da tako kažem profilisati određene političke evo da ... pod navodnicima sposobne ljude? Ili školske odbore na koje htjeli vi ili ne možete uticati i preko Vlade i preko roditelja koji su ... itd. Prema tome, mi nismo ovim definitivno što bi rekli medicinskim žargonom hirurški napravili rez, naravno ne bježeći, kolega Begiću, iskrene inicijative, ali bojim se da zaista stojim na onome, nismo ipak samo malo zamaglili, a suštinu ostavili. Hvala.

PREDSJEDAVAJUĆI

Hvala. Replika zastupnica Ugarak.

MELDINA UGARAK

Većinu moje replike već je kolega Senaid Begić, onaj, rekao, ali evo ja ću vrlo kratko jer stvarno želim da Samir, predsjednik Mreže vijeća učenika, ima dojam da ima ovdje mladih ljudi u Skupštini koji stvarno nikad neće dozvoliti da ovakva jedna institucija i njihova zalaganja budu izložena u prvu frontu kao pješadija. Iz jednog prostog razloga jer nema mehanizama da vas zaštititi. Znači, to vaše nije breme. Vi ste kroz svoj period u kratkom periodu ustvari ukazivali na jedne velike greške koje radi ... koje rade i nastavnici i inače edukativni sistem koji ne funkcioniše u najboljem svjetlu i budućem periodu svakako Komisija za mlade Skupštine Zeničko-dobojskog kantona će svakako raditi na tome na čemu su već Mreže vijeća učenika radili. Tako da nema potrebe da se vi izlažete u prve redove. Eto toliko.

PREDSJEDAVAJUĆI

Hvala. Nastavljamo s diskusijom. Poslanik Drljević, pa po drugi puta ... Je li diskusija? Uredu. Znači, Drljević ...

HARUN DRLJEVIĆ

Još jedan pozdrav svima. Ja sam mislio da će ove prve dvije tačke vrlo kratko trajati. Nisam imao nikakvu namjeru da se javljam, jer smo neke stvari već ovdje dogovorili, prošli put ih pozdravili i očekivao sam realizaciju praktično na diskusiju koju smo mi imali od prošli put. Ali smo mi izgleda u ovoj zemlji bukvalno sve živo politizirali. Sve! Meni se čini kad neko krene u wc da će morati tražiti podršku većine da li može otići ili ne može otići, jel?. Svima je jasno da stranka koja uzme neku javnu ustanovu prima svoje ljude. Kad je to SDA, onda je to SDA. Kad je SDP, onda je SDP. Kad je SBB, onda je SBB. Kad je BPS, onda je BPS. To je javna tajna, ljudi. Što sad pokušavamo da letiziramo jedan problem? Imali smo Inicijativu, mi ćemo kad-tad u Bosni i Hercegovini morati ostaviti zdravstvo, školstvo i ... i ... i sudstvo. Mi ćemo ga morati

ostaviti na miru, jer ne može više ovako ovo funkcionisati. Ovo su početne inicijative, pa kakve god da su. Ja ne znam koliko su ... ja sam re ... prošli put rek'o, za 'vake inicijative ne dižem jednu nego dvije ruke ću dići za 'vakve inicijative. A što pokušavamo uvijek vratiti, ubaciti crv sumnje u nekakve procese koji treba da počnu da ... da čine reformu ovog društva koji treba da dezinstaliraju postojeće ponašanje koje uglavnom bilo katastrofalno? Ja se ne slažem s tim, stvarno. Mislim, to ne mogu da shvatim. Zato podržavam ovu Inicijativu i tražim da se u zakon implementira ono što sam govorio, dakle, komisija koja će i to ne komisija od političara i političkih stranaka koji imaju 'vakva mišljenja, jer ne mogu vjerovati tim ljudima više bez obzira iz koje političke dolazile opcije. Mi nismo slobodni! Stranke ovdje, ja mogu redukciju budžeta napraviti na način da samo sazovem ovdje predsjednike klubova, ostali se zna kako dići ruke. Damo predsjednicima klubova, oni se dogovore, onaj predsjednik ima jednom ... njegova ruka broji deset glasova, drugom vrijedi pet glasova i na kraju to završimo sve za ovim stolom, ne trebamo plaćati ove ovdje. Dakle, mi sve živo politiziramo. Mi smo u svemu instruirani. Ako dolazi direktor za direktora javne ustanove iz određene političke, on tačno dobiva instrukcije za što je tu postavljen. Maloprije mi je mladi gospodin rekao da ... da se u suštini radi ne o sposobnim nego ... nego o poslušnim. Podobnim, kako već hoćete! Prema tome, dajte da damo Inicijativu ovu koju su pokrenuli ova dvojica kolega, bez obzira kol'ko i oni misle da je to pošteno, kol'ko su poštteni u čitavoj toj namjeri, da se počne konačno ovo rješavati, da se prenese, evo kolega Jupić je prenio i na zdravstvo, to je sasvim pozitivno. Znamo, dajte što se lažemo, svi znamo da ... šta se dešava i sad odjedanput od tog ćemo praviti neku novu nauku i snalazit ćemo se na način, itd. Dajte da ovo skratimo i da damo ovo na glasanje, a da ove priče ostavimo tamo negdje u septembru mjesecu za izbore kad ćemo opet farbat' ovaj uvijek naivni narod Bosne i Hercegovine. Hvala lijepo.

PREDSJEDAVALJUĆI

Hvala. Replika, poslanik Plančić, pa diskusija Aliefendić i diskusija Jupić, po drugi put.

IBRAHIM PLANČIĆ

Ma, žao mi je evo što moram, nisam ni ja imao namjeru da repliciram kolegi doktoru na ... na ovome. Dakle, mi imamo oficijelnu Inicijativu pretočenu u izmjenu Zakona i dakle, Klub zastupnika SDA je jako ozbiljno i pristupio ovoj ... ovoj izmjeni Zakona upravo zbog toga. Mi, dakle, smatramo da nije došlo vrijeme za ovakve inicijative. Dakle, to je naš stav, naše političko mišljenje i taj stav pokušavamo da branimo. Svjesni smo da će doći vrijeme o kojem Vi govorite. Mi, dakle, smatramo da nije vrijeme za ovo. Gospodin Čajlaković je jako fino rekao, ovo je samo kozmetičke prirode. Od juna 2012. mi govorimo o kozmetičkim promjenama koje su pokušavaju napraviti i upozoravamo. Dakle, i u ... i u ovom slučaju mi upozoravamo na ovo što će se desiti. Naravno, vi imate većinu. Dakle, jasno je, ako nije bilo prošle Skupštine jasno, jasno je na ovim zakonima, evo, onaj, ko čini skupštinsku većinu, dakle, i kako će oni biti doneseni. Međutim, mi imamo pravo na svoj politički stav. Smatramo da je ovo kozmetičke prirode. Smatramo da ovo ništa dobro ne donosi. Dakle, i ovo što ste rekli, ali smo isto tako svjesni da trebamo ići malo po malo u reforme. Zato je gospodin Šišić iznio prijedlog Kluba zastupnika. Ovo je Nacrt. Dakle, mi smatramo da prvi korak treba da bude da direktorima i pomoćnicima direktora zabranimo pod navodnicima da budu članovi izvršnih organa političkih stranaka. Hajmo to napraviti. Hajmo to nek' se primjeć ... primjenjuje, pa, dakle, u nekom narednom periodu da idemo dalje. Neko reče oma ... ova je Inicijativa pojeftinjena, dakle, ja se izvinjavam, ali moram, dakle, evo u vremenu ove replike da dakle, ja smatram ovo što je dodano u članu 2. Ovaj dio koji mi tražimo da ne bude u članu 2., dakle, ovo u potpunosti za ... zabranjuje ljudima da se politički, onaj, da politički djeluju. Dakle, jasno je meni dakle, zabranjuje se javno istupanje o političkim stavovima, o polit ... političkih stranaka. Pitam vas, sutra kad neko od direktora, pomoćnika direktora javno kaže na televiziji ili negdje da je za suverenu i cjelovitu državu Bosnu i Hercegovinu, to zastupa Stranka demokratske akcije, SBiH i većina nas stranaka. Dakle, neko to može zloupotrijebiti i reći da je prekršio ovaj Zakon. O tome pričamo. Zahvaljujem.

PREDSJEDAVAJUĆI

Hvala. Replika doktor JupiĆ, pa replika Begić, pa diskusije dalje.

ADNAN JUPIĆ

Ma ja imam kratku repliku na izlaganje, ovaj, gospodina Plančića. Prva stvar, spomenuo je i gospodina Čajlakovića i kozmetičke izmjene. Koliko sam ja pratio, svi se slažu da kozmetička izmjena, pa hajmo je tako nazvat', neće ići nagore. Ako je kozmetička, zašto se tome toliko opirete? Druga stvar, zamolio bih da prekinemo sa predizbornom kampanjom. Meni nije na um palo prošli put da spomenem koaliciju SDA i SDP kad ste nam rušili zakon odnosno inicijativu o direkciji cesta. Znači, svaki put kad se glasalo prać ... praviti ćemo neku novu većinu, prati se ko kako glasa. Meni nije na um palo da to prošli put spomenem, a upravo glasovima poslanika odnosno zastupnika iz Stranke demokratske akcije ova jedna vrlo zapažena i fina inicijativa nije dobila podršku i naši privatnici koji čekaju ogromne pare, koja bi razbuktala privredu, koja bi omogućila dalji rad će i dalje doživljavati sudbinu ovako kako sad doživljavaju neka ... neka doživljavaju, a mislim da i predsjednici škola odnosno direktori i pomoćnici direktora škola imaju pravo reći svoje mišljenje i o cjelovitoj Bosni i Hercegovini i kojekakvim pravima i ostalom drugom. Ovo što smo mi mislili njihov je prioritetni problem i program da uredi djeci, da im stvore ambijent u kojem će se lijepo i ugodno osjećati, da ih oslobode nametnika i terorista koji čine ovo što smo ču ... čuli od ovog dječaka da im se radi na časovima. To je ta inicijativa i mislim da je to pos'o i da zato plate primaju i mi dok god radimo neki drugi pos'o a plaćeni smo za nešto drugo, imat ćemo ovo što imamo sad.

PREDSJEDAVAJUĆI

Hvala. Senaid Begić, replika.

SENAID BEGIĆ

Kratko. Apsolutno ovo ne treba da ima veze sa parlamentarnim političkim većinama u bilo kojoj skupštini. Ovo je pitanje, sutra života, školovanja djece, evo mog djeteta. Meni ne treba politička parlamentarna većina da nađe okvir kako moje dijete treba da bude odgajano. Ja mislim da ovo treba da bude gesta nas kao ... kao ljudi koji dolaze iz naroda, nas kao roditelja, znači. Ne treba nam politički pal ... parlamentarne većine za donošenje ovakvih stvari, s jedne strane. S druge strane, ja najviše volim na svijetu ovu domovinu Bosnu i Hercegovinu i to ću reći punim ustima i ne vjerujem da ima iko u ovoj državi ko ... ko ... kome se može to na bilo kakav način, ovaj, zabraniti, pa makar i donošenjem ovakvog zakona. Nema razloga da se u kontekstu nekoga ko to može reći spominjete ... spominje samo SDA ili Stranka za BiH. Ja mislim da svako ima pravo da to kaže punim ustima i mislim da to ... ta krajnost se ne tiče ovoga Zakona. Znači, ovaj Zakon traži upravo ono što ... što smo čuli od gosp ... od ... od ... od učenika Purića iz Mreže vijeće učenika i ovo što je gospodin JupiĆ rekao dajte da barem u toj oblasti napravimo prve korake koji će biti urnek za donošenje isto tako puno pozitivnijih stvari i manje politike u raznim segmentima društva. Evo na red će vjerovatno nekad doći i ovo ostalo. Zahvaljujem.

PREDSJEDAVAJUĆI

Hvala. Poslanik Aliefendić, izvolite, diskusija, pa poslanik Kaš ... Kaknjašević. Doktore JupiĆ, ostajete li još jednom pri pravu ... ? Ok. Pošto je drugi puta, onda vi morate sačekati one koje se prvi puta javljaju.

ALMEDIN ALIEFENDIĆ

Ja ću evo pokušati da budem ... budem kratak, obzirom da smo već poprilično iscrpili ovu ... ovu temu, ali imam potrebu da kažem i iznesem svoj stav, kada je u pitanju ova problematika. Na početku ove diskusije želim na neki način da repliciram, evo trenutno nije tu prisutna kolegica Janja Ivić, ali vjerujem da će čuti i da će joj biti preneseno. Iznijela je dvije stvari koje ... koje mislim da ne stoje. Kada je u pitanju izbor direktora u Općini Kakanj stavila je primjedbu i iskazala, je li, nadu da će imati priliku neko i iz reda hrvatskog naroda da bude ... bude direktor.

Konkursna procedura je transparentna. Evo ministar obrazovanja, resorni ministar može to i potvrditi, na kraju krajeva. Ministarstvo je to koje prati realizaciju te procedure i izbora direktora. Nema ovdje prostora za nacionalna pitanja, je li direktor iz reda jednog, drugog ili ... ili trećeg naroda i mislim da ne stoji ... ne stoji ta primjedba da će evo is ... biti prilike, je li, da bude neko iz ... iz ... iz drugog naroda. Druga stvar, kolegica Janja Ivić ima bogato, da kažemo iskustvo u ovoj oblasti i sigurno pamti vrijeme prije prelaska na višepartijski politički sistem i vjerujem da zna kako su se u to vrijeme postavljali direktori. U odnosu na sadašnje vrijeme gdje je u jednoj demokratskoj proceduri, svi oni koji znaju kakav je sastav, kakav je sastav školskog odbora mogu zaključiti da ipak ovdje političke partije imaju minimalan uticaj u odnosu na izbor konač ... konačni izbor ... izbor direktora. Koliko znamo da samo jedan član od pet članova školskog odbora je iz reda osnivača, a da su ostala četiri člana iz reda lokalne zajednice, dva iz reda nastavnika i jedan iz reda roditelja. Dovoljno govori ovaj omjer koliko se može iskontrolisati ovo o čemu ... o čemu govorimo i koliko političke partije imaju ... imaju uticaja na konačan izbor. Vjerujte mi da uvažavam evo kolege koji su predložili ova zakonska rješenja, ali niste me uvjerili da je ovo suštinska promjena i niste me uvjerili da je ... da je ovo do ... dobar prijedlog odnosno Nacrt ... Nacrt ovih ... ovih zakona. Posebno iz razloga, mi ćemo evo da zabranimo političko djelovanje direktorima, pomoćnicima direktora osnovnih i srednjih škola, a s druge strane oni koji su vezani direktno za obrazovni proces učenika nastavnici, profesori, oni će i dalje, znači, imati pravo na političko djelovanje i imat će mogućnost da se ... da ... da djeluju ... djeluju na učenike, odnosno ono o čemu je govor ... govorio kol ... kolega, je li, u ovom ... ovom obrazov ... obrazovnom procesu. Mislim da ovo ... ovo ima smisla ako ovaj princip primijenimo na ostale kantonalne institucije. Mi danas imamo direktore ostalih javnih institucija koji po Zakonu o sukobu interesa su u istoj kategoriji kao i direktori ovih osnovnih i srednjih škola i mogu se politički djelovati, mogu biti evo i u kantonalnim skupštinama i u domovima naroda, odnosno u zakono ... zakonodavnom organu, a ujedno da ... da budu na ... na ovim ... ovim pozicijama. I malo bi smisla kada bi donijeli jedan principijelan stav da se za sve kantonalne institucije primjenjuje ova depolitizacija, ovog principa kako je ... kako je ovo ... ovo predloženo. Ja sam evo kazao da sam skeptik kada je u pitanju primjena ovog zakona. Iznio sam to i u ovoj replici kada je u pitanju kršenje ljudskih prava i osnovnih sloboda koji je definisan Ustavom i nadam se da će ... da će u konačnici ovaj Zakon polučiti nekim rezultatima, ali kažem vam, skeptik sam iz razloga što mislim da je ovo ipak kozmetička promjena, a ne suštinska. Hvala.

PREDSJEDAVAJUĆI

Hvala. Je li replika doktore? Izvolite. Replika poslanik Drljević, pa imamo diskusiju poslanika Kaknjaševića.

HARUN DRLJEVIĆ

Dakle, kolega Aliefendić nije ... nije pro ... konkursna procedura transparentna, svi mi to dobro znamo. Stranke se dogovore šta kome pripadne i onda se raspiše konkurs, a mi ko ne znamo ko će doći. I onda se raspiše konkurs i onda ako bi slučajno za ... zasmet'o Upravni odbor, onda se promijeni Upravni odbor. Tako vam je to. Znamo mi to dobro svi. Onda se promijeni Upravni odbor, pa se onda promijeni ako treba ponovo se promijeni Upravni odbor, pa se ili ... ili ... ili vijeće ... školsko vijeće da se to uradi. Nije transparentno. Kon ... konkurs je ovdje jedna lakrdija. Ja sam jednom postavio pitanje ministrici pravde da li je legalno bacanje para na konkurse kad svi znamo ko će doći za direktora. I sad bih ja trebao da recimo na konkursnoj proceduri se ja prijavim a znam da nemam šanse da ... jer ne pripadam ... ta škola ili ta bolnica nije pripala mojoj političkoj opciji i prema tome ili da se ... Ljudi se ovdje danas, mladi ljudi se upisuju u stranke ne zato što vole te stranke i poštuju te programe, nego da dobiju pos'o. Veliki privrednici, privatnici opet se upisuju u stranke da opet ... ne zato što ih vole nego da dobiju pos'o, itd. Prema tome, ovaj Zakon bi trebao koliko-toliko ublažiti ove negativna dešavanja koja se dešavaju, jer mi svi evo jako dobro znamo da muha ne može proletiti iz druge političke opcije, a ne daj bože kakvog neovisnog, ovaj, stručnjaka ako nije zadovoljio stranačke kriterije koji se ne dešavaju u ovoj

Skupštini i na konkursnoj komisiji nego tamo negdje mnogo prije. Hajmo po ... bit' primjer da zatvorimo ovu diskusiju i da praktično počnemo ove anulirat' ove stvari, ponavljam, kad je školstvo, kad je zdravstvo i kad je sudstvo u pitanju, jel. Mi danas imamo te tri situacije zato ova i država jest na koljenima jer su stubovi, ovo su stubovi društva, praktično srušeni i mi jesmo na koljenima. Ako se otvorila mala vrata da to budu osnovne škole koje nisu pretjerano interesantne i srednje, onda će se kasnije otvoriti vrata i da to budu neke javne ustanove koje su po svojim budžetima mnogo, mnogo interesantnije političkim strankama. Pitanje i za predlagače i oni koji su za ...

PREDSJEDAVAJUĆI

Molim vas, replika je.

HARUN DRLJEVIĆ

... evo, završavam i oni koji su protiv, koliko ima realno političke volje, ja se slažem tu sa kolegama koji su iz SDA i koliko će to samo biti jedan kozmets ... kozmetički tako da kažem detalj, a koliko ćemo stvarno svi profitirati od svega toga. Hvala lijepo.

PREDSJEDAVAJUĆI

Hvala. Replika poslanika Aliefendića na repliku poslanika Drljevića.

ALMEDIN ALIEFENDIĆ

Kolega Drljeviću, ja mislim to o čemu ste Vi govorili ja u potpunosti podržavam i mislim da nismo mi još ... još dostigli taj stepen demokratije da možemo govoriti o depolitizaciji svih segmenata društva u Bosni i Hercegovini. Većina nas je ... želi tak ... takvo uređenje i takvu atmosferu u državi, ali mislim da ... da ima još vremena da ... da to dostignemo. Ono zbog čega sam ja izašao da vam repliciram, a to je transparentnost u provođenju konkursne procedure. Evo sticajem okolnosti bio sam član školskog odbora prije nego što sam ušao u kantonalnu Skupštinu i vjerujte mi da od pet članova školskog odbora dva su iz reda nastavnika i nastavnog osoblja koji provode transparentnu proceduru glasanja za izbor direktora na Vijeću nastavnika i taj stav koji se izglasa ova dva člana Školskog odbora imaju obavezu da prenesu na Školskom odboru. Ista procedura se provodi i na Vijeću roditelja. Znači, od 5 članova Školskog odbora, tri člana su iz reda nastavnika, odnosno roditelja i oni mogu da kontrolišu proceduru izbora direktora po sadašnjem zakonskom uređenju. U ovom konkretnom slučaju evo ja mogu pozvati i ministra da potvrdi ovu ... ovu, onaj, proceduru, da nam da još detaljnih obrazloženja u koliko smatra da je potrebno. U ovoj proceduri politička partija koja imenuje ovog samo jednog člana, to je iz reda osnivača, nema mogućnosti da iskontroliše postupak i proceduru izbora ... izbora direktora. To vam je ... ja vam ovo govorim najotvorenije, govorim vam iz svog iskustva. Počesto se dešavalo da i mi nismo za određ ... određene osobe koje se kandiduju za ... za direktore, ali moramo uvažavati volju većine i uglavnom su prolazili oni ko ... za koje su nastavnici i roditelji ... roditelji bili. Hvala.

PREDSJEDAVAJUĆI

Hvala i vama. Poslanik Kaknjašević, konačno. Izvolite, Ferid Kaknjašević, poslanik.

FERID KAKNJAŠEVIĆ

Hvala. Evo da i doktori nešto kažu o školstvu. Mislim da se priča o depolitizaciji već ispolitizirala. Mislim, meni to ovako izgleda danas. Ja mislim da su ... da se politički uticaj na određene tokove u našim životima još dugo vremena neće moći isključiti i toga je bilo i uvijek će biti. Mislim da smo i u zahtjevima, je li, ovih ljudi na ulicama, demonstirana, protestirana kako hoćete zovete, tražili da se praktično svi stubovi društva a krenući od vlada koje su naravno tako završile kako i jesu, tražili da budu ljudi apolitični ili da budu ekspertski stručnjaci iz određene oblasti, itd., itd. Vidjet ćemo kako će to ići. Međutim, ja mislim da zadatak nas poslanika, ja sam bio prošli put na rubu glasanj ... kad se glasalo da prihvatimo onda, da dam podršku ovim

inicijativama zato što mislim da jeste ulaz na mala vrata u depolitizaciji, ali mislim da će se ta priča na neki način razvući i na neki način ne zna kakav će svoj epilog dobiti. Da bog da ona i dobila. Ja sam profesore i pitao koji se žele kandidovati za direktore, ja mislim da oni imaju nekih 100 maraka veću platu od one plate koje imaju kao profesori i mislim da i nekog nema smisla, možda ćemo imati situaciju da se ljudi neće htjeti prijavljivati da obavljaju tako važne funkcije kakve jesu i takav pritisak kakav jeste. Međutim, ja mislim da zadatak nas poslanika možda bi više ovdje bio da mi pričamo o politizaciji, jer da bi mogli pričati o depolitizaciji trebamo pričati kako je došlo do politizacije, a mi smo u mandatu ovdje četvrta godina, a neki su ovdje u mandatu i tri kao Kaze, je li, itd. Oni su trebali o politizaciji davni dana da pričaju ... Dobro, mislim, eto ali očito bez uspjeha. Dakle, mislim da je zadatak ... ne možete nešto dekontaminirati ako nije kontaminirano, odnosno da moje ove kolege znaju ili ovi ljudi koji nisu doktori, ne možete nešto ... neki protuotrov dati ako nešto nije zatrovano. Kako se desila politizacija, kako se došlo do toga da imamo toliku, pa ja znam ovdje ljudi koji sjedimo, nemojte mi pričati, ja sam bio uvučen u neke stvari gdje smo namješ ... ne namješteni, nego imali određenog uticaja, molili nas ljudi dajte postavite ovoga ili onoga čovjeka, da budemo realni. Dakle, taj je ... uticaj se neće nikad moći iskor ... iskorijeniti. Ja podržavam, dakle, Inicijativu, ja ovaj put podržajem Inicijativu smatrajući je jednim malim korakom u napredku čovječanstva Zedo kantona, evo da ne kažem, ali vjerujte, moramo više o tome pričati kako je došlo do politizacije, kako je pravilo postalo da neko mora biti politički aktivan da bi dobio neku određenu poziciju. Pa preispitajmo se svi, pođimo svi od sebe. Evo, fala.

PREDSJEDAVAJUĆI

Hvala. Je li replika ili diskusija? Ima ... dobro. Hoće li se svi poslanici javiti za diskusiju? Dajte molim vas, pa razmišljate po dva sata hoćete li se javiti za riječ. Izvolite.

ZIJAD SULJIĆ

Diskusija navedena, javljanje ili ne javljanje, jel tako? Ako dozvolite, ja bih vas sve prisutne ovdje pozdravio i poslanike, članove Vlade i ostale goste, kratko rekao nekoliko riječi. Ovaj Nacrt Zakona je došao kao rezultat Inicijative koje smo usvojili i trebalo bi mnogo lakše da ide njeno prihvatanje. Međutim, ja sam i kod Inicijative kad smo je usvajali ima ... očekivanja ovakvo im'o da će doći određenih otpora iz dva razloga. Jedan razlog politički pragmatizam koji je neko koristio u te svrhe, a drugi je razlog mi kao narod teško prihvatamo promjene. Ovaj politički pragmatizam on će ostati i poslije ovog Zakona, dakle nećemo mi njega nulirati i on će se boriti za određena svoja prava i to, ali kad je u pitanju ovaj drugi razlog kako ga ja vidim zbog nas kao naroda nespremnog da prihvatamo promjene, mi kao političari bi trebali da pomognemo da afirmišemo to kao potrebu promjena određenih u društvu, a ne da kočimo na svakim sitnicama da do njih ne dođe uopšte. Ko smatra da je usvajanje ovog Nacrat pa i Prijedloga gotova stvar, mislim da je u krivu. Ovo je jedan proces koji mora od nečeg' početi, pa i nečeg' što ne daje odmah rezultat, ali zato nemojte da trošimo ovo vrijeme, shvatimo kao proces, kao dobru namjeru i nešto što će donijeti nešto novo i da idemo na glasanje da ovo usvojimo, ovaj, drage kolege i kolege. Hvala vam.

PREDSJEDAVAJUĆI

Evo ovako, po drugi put, zahvaljujem se, javio se za diskusiju predsjednik Kluba SBB doktor Adnan Jupić, izvolite.

ADNAN JUPIĆ

Ja ću obzirom da je bio veći broj učesnika u ovoj raspravi o Nacrtu skratiti ovu svoju diskusiju na neki ... na neki minimum i probat se ograničiti na neke konkretne stvari koje sam ja ovdje čuo. Opet bih došao u priliku da pohvalim jednog zastupnika iz jedne političke opcije, ali neću navoditi ime, jer prošli put je bilo nekih malo ... malo nejasnoća, vi ga probajte ... probajte iz ovog prepoznati. Prvo ono što je meni drago. Meni je drago da smo mi konačno otvoreno i neka je i malo duže potrajalo progovorili o jednoj stvari i vidim da imamo apsolutno stepen

saglasnosti po tom pitanju da govorimo o nekim temama koje nisu baš dobro uređene. Imamo jedan sistem koji nije dobar. Iz svih diskusija, nisam našao nek ... bilo kakvu riječ opravdanja za neka stanja koja nam se dešavaju sad, ovi ... ovaj put vezano za obrazovanje osnovno i srednje, a vremenom kako budu stizali druge stvari ćemo vjerovatno pričati i o tome. To je prva stvar. I druga stvar koja me raduje to je da nije bilo apsolutno ni jednoga komentara, ni jedne diskusije koja bi mene nagnalo na razmišljanje da odustanem od ove Inicijative, a ja bih od ove Inicijative odustao budite sigurni da sam čuo jedan kontra argument. Sve se svodilo na to da je ovo jedan korak naprijed. Neko će reći kozmetička promjena, neko će reći bacanje prašine u oči, neko će reći da je ovo korak od 5 metara naprijed, nekom je metar, nekom je stajanje u mjestu, ali niko nije rekao da je ovo korak nazad i mislim da mi o tome trebamo tako i razmišljati, konačno progovoriti. Ja sam u svojoj prvoj diskusiji rek'o da je ovo jedan mali korak. Jel' sazrijelo vrijeme ili nije, pa i najduži put počinje prvim korakom. Ja sam to upravo na ovaj način htio prezentirati i mislim da je ovo prvi korak u rješavanju ovih stvari, jer mi ako hoćemo nešto mijenjati, moramo nekad početi na ... na jedan korak i na jedan način. Gospodin Handžić je imao diskusiju u kojoj se dovezao malo kako sam ja shvatio ostalih segmenata života, pa vi se sjećate kad je ta inicijativa podnošena da sam ja odmah ponudio da skupa sa vama ostalim pravimo te inicijative ili da prepustim vama da vi radite, ne Klub SBB, da se ne bi politički shvatilo, da mijenjamo ovu ... ovu sferu života koja nije dobra a da to ne bi bilo protumačeno na ružan način i da mi ne bi kupili političke poene za to, čak ponudio da idemo sa izmjenama, evo ja na federalnom nivou o zdravlju, pa smo govorili o ustavnim odborima, o ustavnim, pardon, o upravnim odborima, pa gospodin Aliefendić o kantonalnim institucijama, apsolutna podrška sve inicijative u tom pravcu. Mislim da je bolje da ih pravi neko drugi nego mi. Mislim da je dovoljan rok bio evo možemo još jedan kratki period ostaviti da ga ... da ove promjene sugerira i inicijative podnosi neko drugi, ako to ne napravite, onda ćemo to napraviti mi. Pa bez obzira ... bez obzira kako se to tumačilo. Imali smo tematiku odnosno mali osvrt od dva-tri zastupnika vezano za ovu komisiju ili kako ćemo je već god nazvat', ono ko će pratiti provođenje ovog, apsolutno to podržavam. Mi nismo ništa napravili ako ćemo ostaviti politici da procjenjuje jel ko politički angažovani ili nije i kako ćemo ga sankcionisati. Apsolutno podržavam to, to je bilo kad smo prošli put razgovarali o našoj Inicijativi i ja se nadam da će kod Prijedloga to zaživjeti i da će Inicijativa samim tim dobiti jedan ... jedan puno ozbiljniji ... ozbiljniji oblik. Bilo je pitanja šta će se desiti sa našim općinama. Mislim na Žepče i i i Usoru sutra. Pa ja sam apsolutno siguran da i u ovim našim općinama idu djeca u školu, da ta djeca imaju roditelje, da i toj djeci i njihovim roditeljima interes da dobiju direktore i pomoćnike direktora koji će biti predani svome poslu i zaraditi svoju direktorsku platu i zaštititi našu djecu od štetnih utjecaja, navlačenja na pojedine političke opcije, itd., itd. Znači, raditi ono za šta su plaćeni, a ne da budu opterećeni određenim političkim zadacima koji će biti u manjoj ili većoj mjeri obavezni ... obavezni da provode. Što se tiče Federacije, kan ... obrazovanje na kantonalnom nivou i zbog toga smo se mi odlučili na ovu Inicijativu, ali ja ću vam prenijeti da su tri ili četiri delegata u Domu naroda Parlamenta Federacije Bosne i Hercegovine Inicijativu gospodina Begića i mene uzeli i da su sebi uzeli obavezu, ja vam garantujem za Unsko-sanski kanton, Tuzlanski, Goražde, Sarajevski kanton, da su ljudi uzeli obavezu da ovu Inic ... iz različitih političkih opcija, da ovu Inicijativu na svojim kantonima provedu kao ... kao svoju i ja se nadam da će to zaživjeti. Mi nažalost nismo mogli na taj nivo, srednji nivo, vlasti uticati ovoga puta. Mi smo krenuli s ovim i ja ne znam zašto da čekamo, pa može nešto poteći i od nas, ako možemo biti kanton najveći izvoznik, ako smo mogli to sve rješavati, pa može i neka inicijativa koja će zaživjeti uz apsolutnu podršku da to bude riješeno i na drugim mjestima i uvjeren sam da će to biti riješeno na ovaj način. Hvala.

PREDSJEDAVAJUĆI

Hvala. Evo ako dozvolite prije zaključivanja samo da kažem dvije-tri rečenice. Mislim da se suštinski neosporno radi o jednoj ipak pozitivnoj Inicijativi, da se radi o jednom postepenom procesu depolitizacije kada je u pitanju školstvo i tako treba da ide, korak po korak, jer neke nagle promjene u svemu nisu, ovaj, moguće i mogu biti i štetne i kontraproduktivne. Kao što reče kolega Kaknjašević niti politizacija može isključiti proces depolitizacije niti depolitizacija

može anulirati proces politizacije. Kolega Aliefendić kao mlađi prisjetio se vremena kada je jedna partija imala politički monopol nad svim. Mi smo 1990. godine ušli u višepartijski sistem, ušli u pluralni sistem i rekli smo da se ... da se odričemo tog monopola. Dakle, u biti i jedna partija da ima 100% većinu i 100% glasova i apsolutnu vlast, dobro je da ima konkurenciju i dobro je da reletavizira svoju političku moć. Ja nisam ovdje ni za kakve zloupotrebe i ni za kakvu da kažem zamjenu teza. Lično smatram da svaki direktor koji je svojim sposobnostima nadmašio politiku partije i zadatke koje mu je partija, ovaj, davala, da je se pokazao u moralnom i profesionalnom smislu kao prava ličnost za vođenje škola, a vjerujte da ima takvih direktora i da takve direktore prepoznajem. I ako je ovo prilika da pružimo šansu znanju i profesionalizaciji, naravno, treba je podržati i ne samo da ovu Inicijativu treba podržati kao aktivnu i po kojoj treba biti prepoznat Zeničko-dobojski kanton, trebamo to činiti i u buduću bez obzira od koje političke opcije i od koje političke stranke dolazila ova inicijativa. Dakle, prave dimenzije ove Inicijative ostavimo da se formiraju u okviru Javne rasprave, a ja bih sa ovim zaključio ovu današnju diskusiju i dao na izjašnjavanje ovaj Zakon o izmjenama i dopunama Zakona o osnovnom obrazovanju, ako se slažete. Da li se slažete?